

2. **QUEKETTIA MICROMERA** COGN. pseudobulbis minutissimis, ovoideo-subglobosis, teretiusculis, apice leviter rugosis, basi bifoliatis; foliis brevibus, carnosulis, anguste linearibus, teretiusculis, supra tenuiter sulcatis, apice acutissimis; pedunculo communi ascendenti, capillari, simplici, foliis satis brevioribus, inferne nudo, apice 1—2-floro; bracteis ovatis, acutis, ovario aequilongis; floribus minutis, subsessilibus, segmentis membranaceis; sepalis usque ad basin liberis, lineari-lanceolatis, breviter acuminatis, dorso rotundatis, lateralibus paulo longioribus; petalis oblongo-lanceolatis, breviter acuminatis, sepalo dorsali aequilongis; labello erecto, superne leviter recurvo, sepalis lateralibus aequilongo, membranaceo, oblongo-panduriformi, apice subabrupte acutissimo, disco usque ultra medium latissime crasseque calloso, callo carnosulo, basi excavato, apice producto acute bidentato; columna crassa, brevissima, auriculis longiusculis, anguste triangularibus, acutissimis, subrectis, antice porrectis; anthera supra leviter sulcata, antice anguste producta, apice truncata non incrassata.

*Tabula nostra XXXV. Fig. II (habitus cum analysi).*

*Capanemia micromera Barb. Rodr.! Gen. et Spec. Orch. Nov. I. 138 (1877).*

RADICES numerosas, dense fasciculatae, longiusculae, filiformes, satis flexuosae, simplices, albescentes. PSEUDOBULBI dense aggregati, erecti, inferne laeves, intense virides, 3—4 mm. longi, 2<sup>1</sup>/<sub>2</sub>—3 mm. lati. FOLIA erecta vel erecto-patula, rigida, recta vel leviter arcuata, intense viridia, 1<sup>1</sup>/<sub>2</sub>—2<sup>1</sup>/<sub>2</sub> cm. longa, 1<sup>1</sup>/<sub>2</sub> mm. lata, <sup>3</sup>/<sub>4</sub>—1 mm. crassa. PEDUNCULUS communis plus minusve flexuosus, teretiusculus, viridis, 1—1<sup>1</sup>/<sub>2</sub> cm. longus. PEDICELLI patuli, capillares, cum ovario 1—1<sup>1</sup>/<sub>2</sub> mm. longi. BRACTEAE patulae, pellucidae, valde concavae, dorso carinatae, pallidae, 1—1<sup>1</sup>/<sub>2</sub> mm. longae. FLORES erecti vel patuli, albi, segmentis erecto-patulis, apice interdum leviter incurvis. SEPALIA satis concava, <sup>2</sup>/<sub>3</sub> mm. lata, dorsale 2—2<sup>1</sup>/<sub>4</sub> mm. longum, lateralia leviter obliqua, 2<sup>1</sup>/<sub>2</sub> mm. longa. PETALA leviter concava, paulo obliqua, inferne satis attenuata, 2—2<sup>1</sup>/<sub>4</sub> mm. longa, <sup>3</sup>/<sub>4</sub> mm. lata. LABELLUM paulo concavum, 2<sup>1</sup>/<sub>2</sub> mm. longum, superne <sup>3</sup>/<sub>4</sub>—1 mm. latum, callo pallide flavo. COLUMNA lateraliter satis compressa, basi valde constricta, vix <sup>1</sup>/<sub>2</sub> mm. longa.

Var.  $\beta$ . MAJOR Cogn.

PLANTA robustior. PSEUDOBULBI ovoideo-oblongi, 8—12 mm. longi. FOLIA crassiora, usque 5 cm. longa. PEDUNCULUS communis 2—3 cm. longus, 4—6-florus. PEDICELLI cum ovario 1<sup>1</sup>/<sub>2</sub>—2 mm. longi. BRACTEAE 1<sup>1</sup>/<sub>2</sub>—2 mm. longae. FLORES ut in typo.

*Habitat in sylvis humidis supra arbores secus flum. Dourado prov. Minas Geraës: Barbosa Rodrigues; in arboribus prope Caldas: Regnell ser. III. n. 1172; prope Caldas in arboribus locis paludosis ad Riburão dos Buggris: Lindberg n. 542; in arboribus prope Campanha: Schreiner ex Schwacke n. 5506. — Var.  $\beta$ . In Brasilia austro-orientali loco accurato haud indicato: Glaziou n. 17788. — Floret Junio—Augusto.*